







AUG. 3187

3196



RATIONALE THEOLOGICUM  
DEO & MARIÆ  
Sacrum

EX Summa D. THOMÆ Præceptoris Angelici depromptum.  
*Thomistice quoque in Studio Conventus Varsav: S. MARTINI Ord. Erem. S. P. AVGVSTINI prælectum.*

Publicæ Concertationi in  
Comitijs Provincialibus Brestæ  
recurrentibus sub die 4ta Maij  
Anno Dni 1691.  
propositum.

*atque*

*residibus* R. R. P. P. P. Magistro CANDIDO POTOCKI  
Regente: & P. FELICE ORAWSKI S. Tb.  
Doctore Profess. à Venemibili Patre. HILARIO ROGALIEWSKI Cursore Theologo.

PROPVGNATVM.

Aug. 3187



*his Augustini Vocatur Theologia*  
EX PR I M A P A R T E.

De Theologia in Cōmuni.

**T**heologiam Scholasticam opportunè contra vafros fidei hostes inventam indignâ notat imposturâ Lutherus, eam inventum Diaboli asserendo, quam tamen corpori Christi mystico edificando per Doctores & Pastores vtilem & necessariam indigitat *Apostolus ad Ephesios 4.º.* cuius Spiritu plenus hoc ipsum ostendit *S. P. AVGVSTINVS Lib. 14. de Trin. C. 1.* Huc scientiæ tribuitur quo fides saluberrima quæ ad veram beatitudinem ducit gignitur, nutritur, defenditur, roboratur, quâ scientiâ non pollent fideles plurimi, quamvis polleant ipsâ fide plurimum. Obiectum eius DEUS est optimus Maximus sub ratione Deitatis non abyssali & plenissima, nec restrictiva ad solum diligibilitatem aut glorificationem; sed ut subest principijs per revelationem creditis per respectum ad intellectum discurrentem & certas consequentias ex bonitate consequentiæ vi formæ deducentem. Estq; in hac consideratione habitus scientificus: speculativum esse vsus loquendi obtinuit, & ratio finis, quia est certa cognitio divinæ veritatis ex revelatis per discursum applicatis persuadet. Non subalternatur scientiæ Dei & beatorum, & rectè meretur appellari Sapientia. Naturalis est in sua ratione formali essentiali, quamvis materialiter dici possit supernaturalis, concludit enim aliquid supernaturale: imò habitum esse discursivum & illativum supernaturalem formaliter in terminis repugnat; & hoc sive una tantum præmissa supernaturalis sine duæ ad Conclusionem Theologicam concurrant, proinde principaliter & per se est habitus scientiæ distinctus à fide, quæ est purus revelatis sine admixtione discursiva assensus.



## De Natura DEI & Attributis.

**D**EV M esse mundi machina ostendit, ordo & dispositio caelestium & terrestrium confitetur, Rationalis Naturæ conceptus & ratio per Creaturas demonstrat demonstratione verâ & Philosophicâ, quamvis à posteriori & non aliquâ tantum magnâ probabilitate ut quibusdam placet, quam certa & indubitata de DEO scientia improbat: Hæc ergo Propositio DEV S est, subiectivè & materialiter est per se nota, obiectivè tamen & formaliter non item: sive quod idem est. est per se nota quò ad se non quò ad nos. Irrefragabili Angelici Præceptoris ratiocinio *Quest. 27ma. Art. 1mo. &c.* Et consono Philosophi iudicio *12 Metaph. Text. 39. Quid intelligere sit optimum & magis divinum in DEO* Primum peculiare & radicale prædicatum in DEO intelligere divinum deprehenditur, quod proinde pro constitutivo Metaphysico Essentiæ Divinæ assignatur; ac propterea ab hoc & Asseitas sola & cum sociâ Infinitate, & voluntas sive sola sive simultaneè Intellectui copulata, condigne & ut par est de DEO iudicando relegatur. Proprietates essentiam DEI consequentes admittere necesse est, quæ vocantur perfectiones simpliciter simplices, & communiter attributa DEI: hæc ab essentia DEI virtualiter intrinsecè distinguuntur & ratione ratiocinatâ, non formaliter ex Natura rei: hanc tamen distinctionem inter essentiam DEI & attributa non faciunt Deus aut beati: includuntur attributa in Conceptu formali essentiæ divinæ & è converso, similiter conceptus unius in conceptu alterius, cum DEV S sit omnino suâ Essentiâ, sua Intellectiò &c. & quidquid aliud de DEO prædicatur; ut loquitur *S. Anselmus in Monol. C. 12.* Omnes perfectiones quæ in DEO sunt. nullam in eo faciunt compositionem, est enim simplicissimus & purissimus actus, Ens necessarium & primum, quod ex multitudine coniungi impossibile reputavit *Auicenna 1mo Metaph. C. 6to.* Corpus habere DEV M non nisi delirando dici valet. Est bonus, & quidem summum bonum, & solus bonus per Essentiam, Infinitus in omni genere, & solus per essentiam Infinitus, Imensus, Immutabilis, & æternus: Omnipotentem esse agnoscunt & Philosophi, & per hanc omnipotentiam maxime DEV M ex Creaturis metiuntur, quam esse perfectionem simpliciter simplicem probat *D. Thomas 1mâ Parte Quest. 12a.*



# De Visione DEI.

**D**EVM esse visibilem id est Cognoscibilem, probat ratio adus purissimi omne enim in tantum cognoscibile est in quantum est in actu: DEVM tamen esse visibilem visione clarâ, intuitivâ, per seipsum & non per aliud nulla ratio naturalis demonstrativè persuadet, cum hæc visio sit omnino supernaturalis ab intrinseco. Potentiæ cognoscitivæ sensitivæ in quibus est oculus corporeus, DEVM attingere non valent visione clarâ, & hoc etiam per respectum ad potentiam absolutam, quod verum est tam de visione principali quam instrumentali. Repugnat etiam substantia Spiritus supernaturalis, aliâs illi connaturaliter convenirent proprietates DEI, quas solus DEVS plenissimè ex Intrinseca exigentia possidet. Ad visionem DEI claram necessarium est principium supernaturale elevans quod sit Virtus intellectus & hoc vocatur lumen gloriæ; quod propriissimè est forma & virtus intellectus, & tota ipsius ratio agendi visionem beatificam, intellectu in ratione solius potentiæ specificæ per coaptationem essentialem ad obiectum intelligibile concurrente: hocq; lumen gloriæ est ita necessarium ad visionem DEI, ut sine illo permanenter in hærente, vel transeunter communicato, visio DEI haberi non possit. DEVS est ita visibilis in seipso ab intellectu creato, ut nulla species impressa creata, ad hoc sit necessaria, nam *Videbimus eum sicuti est imago Ioan. 3tio.* Imò hæc species absolutè repugnat, quamvis non improbabilius species expressa DEI in visione beatifica concedi possit. Omnes visiones beatificæ sunt eiusdem speciei aethomæ, diversificantur tamen in dividualiter ad diversificationem intensioris aut remissioris Luminis gloriæ, gratiæ sanctificantis & meritorum. Visio beatifica ita terminatur ad DEVM, ut non solum Essentiam divinam & prædicata absoluta, sed etiam Personas divinas pro obiecto formali primario sibi vendicet; neq; potest coartari ad videndam Essentiam solam sine attributis & Personis & è converso. Necessarium est visionis divinæ Essentiæ videri aliquas Creaturas possibiles, secundum proprium esse illarum, Visio tamen omnium possibilium impossibilis reputatur: Eodem actu Visionis beatificæ videntur etiam aliquæ Creaturæ existentes pro aliqua differentia temporis, quamvis non ex vi  
Visionis



Visionis divinæ essentia, nec possunt videri omnes à quo quolibet beato sed videntur tantum à solo Christo, ad cuius statum pertinent omnia per quem omnia, tam in cælis quam in terris restaurata sunt.

## De Scientia DEI.

**E**SSE DEUM & non esse scientem, ignorantia dicentis est, nam *apud Deum est Sapientia & intelligentia Iob. 12.* Datur ergo in DEO Scientia cuius obiectum formale & primum est omne quod est DEUS, scilicet essentia, attributa, & Personæ, estq; ita adunata in ipso, ut non sit partibilis in actum primum distinctum ab actu secundo; Creaturas omnes distinctè & in particulari cognoscit, non tamen se ex illis, nam seipsum comprehendit comprehensione perfectissimâ, & quidquid cognoscit, à se cognoscit, in seipso ut in medio prius cognito; esset perfectissimè sciens, si deficientibus Creaturis, eas non cognosceret: non Entia cognoscit per dissensum, Entia vero rationis ut Chimeram, distinctiones, & Relationes, cognoscit dependenter ab intellectu humano illas ex necessitate & fecunditate fingente; cognoscit etiam peccata, Commissionis quidem in sua omnipotentia continente liberum arbitrium defectibile, omissionis autem proximè in bonitate creata, remotè verò in omnipotentia eminenter continente bonitatem creatam. Omnia singularia distinctissimè videt nam *non est aliqua Creatura invisibilis coram eo ad Hæbr. 4to.* Est præsciens futurorum aliàs non esset DEUS ita concludente. *S. P. Aug. Lib. 5. de Civit. Dei. C. 9no.* Et quidem futura contingentia absoluta, cognoscit in suo decreto eorum futuritionem prædeterminante, quæ vocatur scientia visionis, per quam etiam ipsum cognoscere futura contingentia conditionata, magis probabile est: quare sufficientissimè dividitur scientia DEI in scientiam simplicis intelligentiæ, & scientiam visionis, per priorem cognoscit sola possibilia necessariò, per posteriorem omnia futura & existentia liberè, ac proinde non est reperibilis in Deo aliqua Scientia media, quæ (ut à suis fabricatoribus explicatur) nullo modo potest esse libera, & eam menti S. P. Augustini, & D. Thomæ, imò rationi dis-



dissonam esse veriùs est. Futura contingentia sunt præsentia DEO ab æterno secundum existentiam Physicam & realem, quam habitura sunt in tempore; nam *opera omnis carnis coram illo à seculo & usq; in sæculum Ecclesiastici 3110.* Scientia DEI est Causa rerum effectiva, & ideo sunt quia eas DEUS novit & vocatur scientia approbationis, prout coniuncta est cum decreto earum futuritione aut existentiam decernente.

## De Voluntate DEI

**C**VM tota potentià DEI sit voluntas facientis, Deum habere voluntatem agnoscit fides, *omnia enim quaecunq; voluit DEVS fecit Ps. 113.* Et Apostolus *ad Romanos 9. Voluntati eius quis resistet?* Probat ratio consecutionis volitioni ad Intellectivum: Obiectum primum divinæ voluntatis est ipsius Bonitas infinita, prout involuit perfectiones absolutas & Relativas. Amat se DEUS necessario, qui necessariissimus in se est, quatenus amat perfectiones suas intrinsecas, amat tamen se liberè ut finem Creaturarum per illas honorandum & glorificandum, qui amor DEI nullatenus est distinctus à gaudio: Creaturas possibles amat etiam necessario utraq; necessitate, existentes verò futuras & præteritas liberè. Finis omnium à DEO volitorum cuius gratià est glorià DEI extrinseca, finis cui est ipse DEVS, teste Apostolos *ad Romanos 9. Elegit nos in ipso ut ostenderet diuitias gloriæ gratiæ suæ* potest tamen DEUS velle bonum Creaturæ intellectuali tanquam fini cui proximo: volitio libera DEI est ipsa volitio necessaria, consistens in indifferentia eiusdem necessariæ Entitatis ad diuersas denominationes oppositas, per ordinem ad Connotata extrinseca diversa: hoc tamen extrinsecum connotatum non est aliquod constitutivum volitionis DEI liberæ, cum voluntas DEI sit immutabilis & æterna, omne autem creatum mutabile. Actus liberi DEI habent laudabilitatem & honestatem infinitam in genere moris, non necessitatur tamen moraliter DEVS ad volendum efficaciter omne quod melius & perfectius est. Cuncta enim quæ DEVS vult & quæ non vult, congruenter & decentissime vult vel non vult. Datur in DEO voluntas antecedens seu generalis salvandi omnes homines, quæ non est sola simplex complacentia, sed formalis volitio terminata ad bonum Creaturæ secundum



cum se consideratum; dicitur etiam & condicionata, quia involuit conditionem ordinationis divinæ providentiæ, manifestationis iustitiæ, & boni generalis totius universi. DEVS prædefinitione efficaci & prædeterminatiuâ prædefinit omnes actus liberos causarum secundarum citra læsionem libertatis, cum sit non minus Omnipotens quamlibet & providus, sub cuius providentiam omnia etiam peccata, suo modo cadere necesse est.

## De Prædestinatione, & Reprobatione.

**P**Ræter providentiam generalem & naturalem seu ordinariam, datur etiam providentia supernaturalis, quâ DEVS ad finem gloriæ ordinat Creaturas intellectuales per media supernaturalia. & vocatur prædestinatio optime à *S. August. lib. de Dono persever. C. 10. explicata* quod sit *præscientia & præparatio beneficiorum DEI, quibus certissimè liberantur quicumq; liberantur*. Consistit formaliter in actu Intellectus essentialiter & præsuppositivè connotante & præsupponente actum voluntatis divinæ qui quidem actus intellectus necessario est imperium rationis subsequens electionem mediorum, & illorum executionem imperans juxta illud *ad Ephes: imo Prædestinavit nos secundum propositum voluntatis suæ*. Prædestinati electi sunt ad gloriam ante prævisa eorum merita, electi enim sunt ut essent Sancti, non ergo quia futuri erant Sancti concludente. *Aug. lib. de Prædest. Sanct: C. suo* quæ tamen electio utrumq; actum Misericordiæ scilicet & Iustitiæ pro diverso respectu includit. Causas prædestinationis morales & meritorias (effectiva enim est solus Deus) nullas reperies in prædestinatis, sed sola Christi merita in quo *benedixit nos DEVS in omni benedictione Spiritualis ad Ephes: imo* Inter effectus prædestinationis substantiam prædestinati non bene ponit Scotus; bona tamen naturalia corporis aut animi imperativè saltem possunt reduci ad providentiam specialem prædestinativam & inter eius effectus numerari. Propriissimi prædestinationis effectus sunt quos enumerat. *Apostolus ad Rom. suo. quos (inquit) prædestinavit vocavit, & quos vocavit hos & justificavit, quos autem justificavit illos &* glorifi-



*glorificauit*. Infallibilem esse prædestinationem & numerum prædestinatorum certissimum fide docemus, eius signa euentia nulla, imò nec moraliter certa, conjecturalia tantum apprehendere mens studiosa potest. Reprobationis nomine, non Electionem censent Theologi, de qua comparative ad prædestinationem loquendo eam consistere in imperio rationis essentialiter præsupponente actum voluntatis necesse est, quo Deus dirigit & præcipit Executionem mediorum ad damnationem reproborum conducentium, nulli tamen reprobo Deum decernere pœnam damni aut sensus ante præuisa peccata absolute futura conformius veritati est, proinde & reprobatio positiva non nisi post præuisa peccata facta esse dignoscitur: causam negativæ, originalem culpam, imò primum motivum excludendi reprobos à beatitudine ex Augustino in vestigare libet & licet. *in Epist. 105<sup>ta</sup> in illud ad Rom. 9<sup>no</sup>. cum non dum nati essent &c.* nam qui diligebat in Iacob antiquam natus fuisset gratuitum misericordiæ donum, oderat in Esau originale peccatum: positive causam motivam originale, proximam Actuale non dimittendum peccatum assignare visum est, ad quod tamen vitandum, & ad assequendam salutem dantur omnibus reprobis auxilia sufficientia à Deo, qui vult omnes salvos fieri.

## De Sanctissima Trinitate.

**M**ysterium Trinitatis non nisi errando Intellectus naturaliter demonstrare valet, si revelantis Luminis non adiuvetur fulgore, absolute tamen eius principiis naturalibus non adversatur, eiusq; notitiam saltem quo ad An est evidentē, per scientiam infusam habere potest, imo etiam in effectibus supernaturalibus dicentibus respectum transcendentalem ad Deum trinum. Patrem Filium & Spiritum Sanctum tres in eadem indistinctissima Deitatis Natura subsistentes Personas indigitant Scripturæ, Concilia approbant, fides Universalis confitetur: procedere vnam ab alia id est Filium à Patre, & Spiritum Sanctum ab utroq; per modum actionis immànentis, deducunt Theologi ex revelatis, quæ processio solam prioritatem originis admittit, & prima Filij est proprie generatio, secunda Spiritus Sancti tantum processio, cuius ratio est natura principiorum, per quæ pro-



cedunt, intellectus scilicet & Voluntas, quorum primo formalissime convenit assimilare Terminum, secundo non item. Principia processionum divinarum assignata, non dicunt in recto & formaliter Relationes divinas sed tantum in obliquo, adeoq; potentia generativa formaliter & in recto dicit actum intellectus qui est dicere, & relationem Paternitatis, & potentia Spirativa actum voluntatis qui est spirare, & relationem Spiratoris: dicere & Spirare includunt formaliter & in recto intelligere & velle. Relationes reales in divinis, adj intra quatuor, scilicet; Paternitas Filiatio Spiratio passiva, & Spiratio activa. Primæ tres inter se distinguuntur realiter, quarta à sola opposita relatione Spirationis passivæ realiter, à primis duabus tantum virtualiter, & ratione ratiocinatâ distinguitur. Ab essentia non distinguuntur realiter; aut ex natura rei formaliter, sed virtualiter intrinsece, quam innuit Concilium Florent: Sess. 28. in Unione Græcorum per verba Ioannis Theologi. *Divina essentia & personæ quidem sunt idem, secundum autem modum intellectiōis nostræ videntur differre.* Relationes divinæ non sunt de conceptu essentiali explicito essentia divinæ & è converso; essentia tamen divina per modum prædicati transcendētis essentialiter implicite includitur in conceptu explicito relationum, similiter relationes per modum transcendentium & modorum intrinsecorum sunt de conceptu essentia divinæ. Dicunt Relationes in sua linea relativa perfectionem diversam à perfectione Essentia, ad quod dicendum ducimur autoritate S. Cyrilli lib. 1mo. *Thesaur: Cap. 10. Perfectus est non solum quia Deus est sed etiam quia Pater est.* non tamen prædicantur de essentia divina per se formaliter, quàmvis contrarium defenditur in prædicatione essentia divinæ de Relationibus. Idem est in Divinis secundum rem, & rationem esse personas, & esse Relationes, quia constitutiva personarum sunt proprietates relativæ quod statuitur conformiter ad mentem Concilij Lateran: Cap. *Firmiter de summ: Trinit: & Fide Cath. Hec Sancta Trinitas* (inquit Concilium) *secundum eandem essentiam est individua & secundum proprietates Personales discreta:* per proprietates enim absolutas in quibus conveniunt Personæ discerni non possunt. Possunt assignari tres substantia relativæ in divinis, imò & tres existentia relativæ non tamen tres essentia etiam cum addito relativæ Est etiam vna existentia absoluta in divinis imò & substantia absoluta, Verbum divinum procedit per se ex cognitione



tione omnium attributorum & Personarum divinarum, procedit quoque necessario ex cognitione omnium Creaturarum possibilium, non tamen ex cognitione existentium & futurarum: Spiritus Sanctus procedit à Patre & Filio & ad sui productionem necessario & per se exigit plura supposita tam ex parte principij quam ex parte termini, unde si Spiritus Sanctus non procederet à Filio ab illo non distingueretur realiter; tota enim ratio distinctionis in divinis est per hoc, quod persona aliqua sit ab altera. *Concilium Flor. Sess. 18.* Missio unius personæ divinæ ab alia necessario dicit originem sui ab illa simulque importat aliquem effectum temporalem de novo patrandum in tempore: hæc convenit Filio & Spiritui Sancto non Patri, qui est principium fontanale ad intra & ad extra.

## De Angelis.

**D**ari Angelos id est substantias Spirituales completas fides docet, ratio naturalis evidenter non convincit: quilibet Angelus compositionis expers est Eos multiplicari intra eandem speciem non posse etiam divinitus certius est, sunt ex natura sua incorruptibiles & verè in loco existentes, non tamen ut locata, ratio autem quâ proxime redduntur existentes in loco corporeo non est nuda eorum substantia sed operatio seu quantitas virtutis: habent terminum magnitudinis in loco possunt tamen esse in minori & minori usque ad punctum; ratione suæ substantiæ non possunt esse in pluribus locis adæquatis discontinuis imo nec inadæquatis, quin sint in medio, oppositum tamen iudicatur de existentia eorum in locis per operationem. Moventur Angeli localiter tam motu continuo quàm discreto. Perfecte intelligunt sine discursu, indigent tamen speciebus ad cognoscendum quas illis Deus infudit ab instanti Creationis, ita ut crescere non possint in Sapientia naturalium: hæ Species in Superioribus Angelis sunt Universaliores in repræsentando, in inferioribus minus universales, unus Angelus cognoscit alios per eorum species, superior comprehendit inferiorem non tamen è converso, similiter inferiores illuminantur à superioribus: actus internos intellectus & voluntatis, futuraque quorum existentia pendet à libero arbitrio solus cognoscit Do-

minus scrutans corda, fuerunt Angeli creati in cælo Empyreo beatitudine naturali donati, præter hanc nihilominus naturalem etiam supernaturalem acceperunt & in gratia creati sunt, Angelus non potuit etiam de potentia absoluta peccare in primo instanti Creationis suæ: peccarunt tamen aliqui post primum instans per superbiam, quod primum eorum fuit peccatum propter quod excederunt à gratia & gloria. Torquentur à vero igne corporeo producente in illis calorem materiale inextensum, tanquam ab instrumento Physico ad torquendum assumpto.

## Ex Prima Secundæ. De Ultimo Fine & Be- atitudine.

**F**inis primus actionum motor adeo, ut propter illum agere DEO Optimo Maximo conveniat, non solum quod ipse sit finis operum suorum, *uniuersa propter semetipsum operatus est Dominus Proverb. 16.* Sed etiam quia movetur à fine cuius gratia operum omnium ad extra, nempe gloria sua extrinseca quam per *Isaiam Cap. 43.* multum se æstimare fatetur *gloriam meam alteri non dabo*, potestq; uti Creaturis tanquam medijs ad hunc finem, imò sic defacto utitur hominibus; Angelus, & homo proprie propter finem agunt, ultimus finis simpliciter Deus est Opt: Max. *Alpha, & Omega, principium, & finis, Apocal: 1mo.* Quidquid agit homo, libere propter ultimum finem operari censetur virtualiter saltem, & interpretativè; quamvis non semper propter hunc ut verum, sed aliquando in apprehensum: duos tamen simul ultimos fines simpliciter habere non potest coniunctim acceptos, nam *nemo potest servire Deo & mamone Matth: 6to.* quamvis disjunctim possit appetere duos, sub eadem tamen ratione formali boni satiatiui. Peccans mortaliter semper intendit aliquid creatū ut ultimum finem, peccantis enim mortaliter perversitas est. *fruendus vti velle, atq; utendis frui S. P. Augustinus lib. 83. Quæstionum, Quæst. 50.* Peccans autem venialiter habet etiam aliquid creatum pro fine ultimo, saltem cuius gratia



tiâ, sed tantum negativè & secundum quid. Hic optimus finis est hominibus, velle esse beatos, quæ beatitudo cum sit. *omnium rerum optandarum plenitudo*, *S. Aug. 5to. de Civit. Dei Cap. 1mo.* obiectiva erit solus Deus, formalis visio eius, iuncta tamen amoris perfectissimo, per quem plenè possidetur Deus: non potest beare hominem illapsus essentia Dei in animam eius, quia hæc formalis beatitudo debet esse operatio vitalis, mediante internâ potentiâ elicitâ, non ab extrinseco (quod pro impossibili reputo) intellectui creato infusa, Beatitudinem formalem ab intrinseco consequi impeccabilitatem, & non esse quoddam distinctum à beatitudine donum, ita verum est, ut beatum possit peccare, & repugnans omninò in se, & dicere imprudens sit.

## De Actibus Humanis.

**V**oluntarium esse omne quod est liberum, non tamen idem esse quod liberum distinxit Philosophus, nam *electio sponte fit, non tamen est idem cum eo quod sponte fit, sed hoc ad plura se extendit*; Ethicorum Cap. 2. & damnatum est dogma Michaelis Baij dicentis, *quod voluntariè fit etiam si necessitate fiat liberum est*. Liberum hominis arbitrium non est res de solo titulo, vel titulus sinè re, damnante hoc *Tridentino Sess. 6ta, Cap. 6to.* quæ libertas arbitrij est indifferentia potentia volitiva, ad vnum, ex contrarijs, aut contradictorijs determinare se potentis, estq; intrinseca in actibus elicitis, quamvis connotet indifferens iudicium de re proponenda voluntati. Metu aliqua fieri nec omnino involuntaria esse, sed mixta, voluntaria quidem simpliciter, & non voluntaria secundum quid, doctrina Augustini est *lib. de Fide contra Manich. Cap. 14.* magis tamen se habent timor ad causandum involuntarium, quàm concupiscentia, quæ illud augere videtur, quamvis minuat liberum. Ignorantia antecedens, reddit opus involuntarium simpliciter; consequens involuntarium quidem, sed tantum secundum quid: non posse violentari voluntatem in actibus elicitis cum hi sint a principio intrinseco cum cognitione, posse tamen pati violentiam in actibus ab illa imperatis, communius est: so-  
lum

lum bonum finale, est adæquatum, & specificativum, voluntatis obiectum, nullum autem malum. Non potest ferri in incognitum, sed moveri debet ab intellectu, & eius cognitione; quæ morio non sit effectiva, sed tantum ingenere causæ formalis extrinsecæ, seu finalis. Prima Moralitatis regula est Lex æterna, proxima dictamen rectæ rationis participantis æternam legem, & hæc moralitas proximè consistit in ipsa Entitate Physica actûs liberi connotante advertentiam rationis ad regulas morum: & ita adæquatè dividitur in bonitatem, vel malitiam, ut omnis actus humanus sit necessario bonus, vel malus in individuo, nullus indifferens; Bonitas, & malitia formalis principaliter sunt in actu interiori, secundario autem in exteriori, est tamen vna & eadē in utroq; & nihil meriti, aut demeriti addit actus exterior supra interiorem, loquendo per se; licet per accidens possint augere actus exteriores numero, intensiōe, aut continuatiōe bonitatem, & malitiam, meritum aut demeritum actuum interiorum quod S. P. Aug. 3. de Trinit: Cap. 5. explicat, *mala voluntate quisq; miser efficitur, sed miserior potestate, qua desiderium malæ voluntatis impletur* ea potestate enim efficiendi opus, habet occasionem homo crebrius, efficacius, & ferventius illud volendi, quod semel internè vult.

## De Conscientia.

**C**onscium quemq; sibi esse boni, & mali, Apostolus indicat ad Romanos secundo: *Testimonium* (inquit) reddentē illis conscientia ipsorum, quam conscientiam in intellectu collocare conformius est Apostolo, nam scire, & testimonium reddere, intellectûs & non Voluntatis actus sunt: conscientia ergo est actus intellectûs practici, de bonitate, vel malitia eorum quæ à nobis hic & nunc agenda sunt. Præceptum obediendi conscientia, cum sit de iure naturali divino absoluto, obligat indispensabiliter ad sequendum, ita vt semper peccet voluntas agendo contra conscientiam erroneam sive invincibilem sive vincibilem non depositam, distantem aliquid ut præceptum, vel prohibitum; qua obligatione non obstante sicut excusatur a peccato homo conformans se conscientia erroneæ invincibili, sic operans iuxta conscientiam erroneam vincibilem non depositam, non  
ideo



ideo excusatur à peccato. Licet certa regula definiri non possit an agere contra conscientiam erroneam vincibilem gravius peccatum sit, vel eam sequi, nihilominus ex mente Doctorum concluditur tanto gravius peccatum esse, agere contra conscientiam erroneam, quanto præceptum erroneè propositum cui contravenitur malus est præcepto per rectam conscientiam intimato, Quodsi æquale sit præceptum dictamini rationis propositum de agendo iuxta vel contra erroneam conscientiam; existimo (cæteris paribus) gravius peccatum esse agere contra conscientiam erroneam vincibilem, quam illi conformari. Qui in concursu sententiæ probabilioris probabilem sequitur nec prudenter nec secure agit. Princeps antequam bellum moueat, debet habere practicam certitudinem de iusta belli causa. Ex jure æque probabili pro habenda Provincia, non potest iustum bellum moveri contra Provinciæ possessorem. Si factò diligenti examine, inveniat Princeps ius suum pro possidenda aliqua provincia esse probabilius & magis fundatum iure partis adversæ, illicò iniuste bellum indicit parti; sed medijs licitis res est componenda, quodsi componi non possit, tunc iustum bellum offensivum indicitur. Si miles subditus sciat suum Principem esse bene moratum, sapientem, tenetur non examinata belli iustæ causâ ad nutum Principis bellare, secus miles non subditus. Quando adest certitudo facti & incertitudo iuris in causa quæ miserabiles non concernit personas tenetur index sequi sententiam probabiliorē, secus benigniorē. Advocatus in causis criminalibus, tenetur patrocinari parti jus probabilius habenti, quod si patrocinetur contra eam, & lucretur eam fraude amicitia cum iudice, inversione textûs iuris, peccat mortaliter & ad restitutionem tenetur. Medicus tenetur adhibere ægroto medicamentum, quod. scit esse certum, & efficax, relicto probabili, & dubio, nec debet sub mortali experiri in infirmis etiam moribundis medicamentum, quod ignorat esse proficuum, vel civum. Extra materiam iustitiæ, in materia aliarum virtutum in rebus dubijs, non sufficit titulus possessionis, sed necesse est sequi sententiam tutiorē. Penitens tenetur confiteri omnia peccata mortalia dubia. Quando præceptum ante subortum dubium erat in possessione obligationis, per dubium sequens eius obligatio non tollitur. Licitum est agere contra scrupulum stricte sumptum.

De Pec-

# De Peccatis.

**P**eccatum à P. Augu. lib. 27. Tim. 6. contra Faustum definitur quod sit dictum, vel factum, vel concupitum, contra legem æternam. Peccatum mortale in, ratione offensæ, continet gravitatem, & malitiam in esse moris simpliciter infinitam. Peccata non sunt æqualia, inæqualitas essentialis eorum desumitur non solum ex obiectis, sed etiam ex circumstantiis, ex quibus peccatum minus grave ex sua specie vel obiecto, ita potest crescere, vt superet peccatum alterius speciei. Appetitus sensitivus non potest esse subiectum peccati sive mortalis, sive venialis. Peccatum Commissionis consistit in positivo connotando in obliquo obiectum lege negativa prohibitum. An possit dari pura omisso libera, & moraliter mala, absq; ullo actu voluntatis problema sit. Ad rationem peccati mortalis præter obiectum de se grave, requiritur quantitas notabilis. Qui peccat mortaliter virtualiter & interpretativè ultimum finem in Creatura constituit. homo iustus peccans venialiter; non item. Ex pluribus venialibus vnum peccatum mortale fieri non potest. Delectatio morosa de obiecto illicito, & cognito ut tali, est peccatum mortale. Absq; ullo præiudicio suæ divinæ sanctitatis, Deus Physice prædeterminat voluntatem ad Materiale peccati. Peccatum mortale ex se, & sua malitia intrinsicæ inducit reatum pænæ æternæ; Peccatum habituale consistit formaliter in privatione nitoris gratiæ Sanctificantis, dicitur autem habituale, quia Physice præteritum, per veram pœnitentiam non retractatum, moraliter perseverat. Infantes in instanti Conceptionis contrahunt peccatum Originale ex Adam per quem peccatum in mundum intravit. Originale consistit formaliter in privatione iustitiæ originalis, quantum ad primum eius effectum qui est communis iustitiæ, & gratiæ sanctificantis: Parvuli decedentes in originali, nullam patiuntur pœnam sensus, sed tantum damni.

De Gra-



# De Gratia Christi.

**P**ater gratiam Creationis agnoscunt Concilia, & Patres, gratiam quâ prædestinati vocamur iustificamur, & glorificamur, & hæc est gratia per Iesum Christum Dominum nostrum, estq; donum supernaturale in substantia, & ab intrinseco ad finem supernaturalem gloriæ hominem elevans & ordinans. Ad cognoscendas veritates supernaturales, & fidei mysteria, necessaria est specialis gratia interna. Diligere Deum ut authorem naturæ super omnia, amore efficaci non est in potestate hominis, in hoc naturæ laplæ statu, sine gratia per Christum, nec diu vitare peccata mortalia, aut totam collectionem venialium pro tota vita. Nulla est lex statuta ut homini facienti quod in se est viribus naturæ Deus conferat infallibiliter auxilia gratiæ, unde opera naturæ esse aliquas dispositiones ad primam gratiam qui diceret, necessario cum Pelagio sentiret. Est qualitas intrinseca animæ eam sanctificans, & hominem gratum Deo faciens, cum illo, etiam de potentia Dei absoluta non potest componi pro eodem instanti peccatum mortale. Eius causa principalis est solus Deus non per creationem sed per eductionem de potentia obedientiali animæ. Ita sola est forma iustificans, agit ut nec contritio, nec charitas Dei sit eius modi forma. Mereri sibi decondigno primam grâciam iustificantem nullus potest, potest tamen primam gloriam correspondentem primæ gratiæ habituali.

## Ex Secunda Secundæ.

# De virtutibus Thologicis.

**V**irtus est bona qualitas mentis, quâ recte vivitur, & quam Deus in nobis sine nobis operatur, Fides est Virtus divinitus infusa quâ mysterijs à Deo revelatis licet obscuris intellectus humanus assentitur; pro obiecto formali quod respicit Deum sub ratione primæ veritatis inessendo; pro obiecto verò formali quo, respicit Deum sub ratione primæ veritatis in dicendo, Articuli in Symbolo

contenti, sunt obiectum Materiale fidei, qui licet successu temporis creverint quo ad explicationem, non tamen quo ad substantiam. Fides & scientia non possunt componi in eodem intellectu tam quo ad habitum, quam quo ad actum, habitus tamen fidei cum actu scientiæ, de eodē obiecto (per diversa tamen media) simul subsistere possunt; In peccatoribus fidelibus manet vera fides Theologica licet informis Fides necessitate mediæ ad salutē necessaria est. Non expellitur nisi per infidelitatem Scriptura Sacra est infallibilis fidei regula, ad quam pertinet traditio: Authoritas Ecclesiæ est in solo Pontifice Romano qui errare non potest loquens ex Cathedra, & solus est fidei controversiarum Iudex, Præceptum autem profitendi exterius fidem tale est ut nunquam liceat veram religionē dissimulare, aut falsam simulare. Spes (quæ est desiderium efficax boni ardui & futuri consequendi. Est vera virtus Theologica, etiam separata à charitate, obiectum eius formale quod, est beatitudo æterna obiectiva, connotans beatitudinem formalem, ratio formalis sub qua, est divina Omnipotentia ut auxilians. Nullo modo potest aliquis per virtutem Theologicam spei sperare beatitudinem, alterius reduplicative talem. In Christo Domino Angelis beatis, demonibus, damnatis, non agnoscit veram Virtutem spei Theologus, licet in animabus Purgatorii eam esse affirmet. Charitas supernaturalis est amicitia hominis cum Deo Obiectum formale eius est bonum divinum infinitum in omni genere. Non solum ingenere moris, sed etiam in genere Entis. Charitas est perfectissima omnium virtutum, estq; forma earum.

## Ex Tertia Parte. De Incarnatione Verbi & eius Mysterijs.

**S**aluatorem venturum prædixerunt Prophetæ, figuræ, adumbrarunt. venisse fides docet: propter Salutem hominis incarnatum universalis agnoscit Ecclesia, nec venturum in alium finem vi præsentis decreti, quàm in remedium peccati firmiter tenendum est.

Ita



Ita ~~ut~~ pro suo vel alieno mortali ad æqualitatē satisfacere homo non potuit, ut Christus obtulerit satisfactionem valoris infiniti simpliciter & in omni rigore pro peccato nostro. Naturam humanam sola terminavit personalitas Verbi, in qua etiam & non in natura, facta est Incarnatio, per unionem ueram, & Physicam distinctam ab utroq; extremo, sed eorum verē unitivam. Tota Trinitas efficienter Incarnationem Verbi operata est, instrumentalem causam eius nullam inuenies, possibilem non negabis; meritoriam quo ad substantiam impossibilem reputa, quo ad Circumstantias Patres antiquos merito dignaberis idq; de congruo: Intemeratæ Virginis & Matris Dei non derogabis honori si eam de condigno Maternitatem Dei non meruisse prædices, Verbum assumere potuit naturam substantialem Irrationalem. Si omnes tres Personæ assumpssissent unam humanā Naturam essent vnus homo, similiter si vna persona diuina assumeret tres naturas humanas vnus esset homo. Gratiā habitualement in Christo fuisse non negamus, si illum connaturale principium actuum supernaturalium & meritoriorum esse concedamus, Non fuit Christus Sanctus à gratia Sanctificante nec ab vnione hypostatica ut à forma, sed ab ipsa Personalitate Verbi sibi vnita. Fides & spes non fuit in anima Christi similiter nec virtus Pœnitentiæ, fuit tamen scientia per se infusa, & acquisita naturalis. Vnio hypostatica de facto nec diuinitus à Christo mereri potuit per opera illam subsequētia, licet potuit, per antecedentia sola prioritate naturæ. Christus prædestinatus est ut homo ad filiationem Dei naturalem, cum qua impossibile fuit adoptiua.

## De Sacramentis.

**A**uctor Sacramentorum in noua lege est Christus. De ratione Sacramenti est quod sit signum rei Sacræ homines Sanctificantis: in statu innocentiae nulla fuerunt saltem ex vi præsentis Decreti, in statu legis naturæ, & scriptæ aliqua tantū: in lege autem gratiæ sunt septē. Conueniunt cum veteribus vniuoce in ratione signi gratiæ in ratione tamē signi quā talis analogicē tantū. Sacramenta nouæ legis necessario constāt rebus & verbis determinatis, Mutatio proueni-

ens ex vario modo verbali auferens significationē rationis agendi destruit substantiā Sacramenti. Sacramenta mortuorum per se primo causant gratiam primam, secundam vivorum: omnia Sacramenta novæ legis causant gratiam sanctificantem ut instrumenta Physica. Character de facto imprimitur per tria novæ legis Sacramenta, et quod; ex natura sua in delectibilis, & in corruptibilis. Ad valide administranda Sacramenta requiritur in ministro intentio saltem Virtualis illa conficiendi, vel conferendi, non sufficit habitualis. Gratia Sacramentalis causa principalis est solus Deus cui sit Honor & Gloria.







